

Ҳадиси қудсий нима?

16:15 / 15.04.2017 17343

Савол:

Ҳурматли устоз. «Ҳадис Қудсий»нинг бошқа ҳадислардан фарқи нимада? Шу ҳақида маълумот берсангиз.

Жавоб:

[Шайх Муҳаммад Содиқ Муҳаммад Юсуф](#)

Ҳадиси қудсийнинг таърифи:

Луғатда «қудсий» сўзи «ал-қудус» калимасига нисбат берилган бўлиб, «покиза» маъносини билдиради. Бу маъно Ферузободийнинг «Ал-Қомус» номли китобида айтилган. Аллоҳ таолонинг зоти қудусиясига нисбат берилган ҳадис «Ҳадиси қудсий» деб аталади.

Ҳадис уламолари истилоҳида: «Бизга Набий соллаллоҳу алайҳи васалламдан нақл қилинган ва Аллоҳ таолога иснод берилган ҳадис «Ҳадиси қудсий» дейилади».

Ҳадиси қудсий билан Қуръон орасидаги фарқ

Ҳадиси қудсий билан Қуръон орасида бир неча фарқлар бўлиб, улардан энг машҳурлари қуйидагилардир:

1. Қуръони Каримнинг лафзи ва маъноси Аллоҳ тарафидандир. Ҳадиси қудсийнинг маъноси Аллоҳ тарафидан, лафзи эса Набий соллаллоҳу алайҳи васаллам тарафидандир.
2. Қуръон тиловати билан ибодат қилинади, аммо ҳадиси қудсийни тиловат қилиб, ибодат қилинмайди. Яъни, ҳадиси қудсий ибодатда тиловат қилинмайди.
3. Қуръон фақатгина мутавотир йўл билангина собит бўлади. Ҳадиси қудсийнинг собит бўлиши учун хабар мутавотир бўлиши шарт қилинмаган.

Ҳадиси қудсийларнинг сони

Ҳадиси қудсийларнинг сони Набавий ҳадисларга нисбатан кўп эмас. Улар икки юз атрофидадир.

Ҳадиси қудсийларга мисол:

يٰۤاَيُّهَا الَّذِيْنَ اٰمَنُوْا اذْكُرُوْا نِعْمَتَ اللّٰهِ اَلَيْسَ بِاللّٰهِ اَعْلَمُ بِمَا تَكْفُرُوْنَ ، هٰذَا الَّذِيْ رَدَّ يَدِيَ عَنْ حَيْصِ يٰۤاَيُّهَا الَّذِيْنَ اٰمَنُوْا اذْكُرُوْا نِعْمَتَ اللّٰهِ اَلَيْسَ بِاللّٰهِ اَعْلَمُ بِمَا تَكْفُرُوْنَ

الْفِ اَمْرًا مُمْرُكًا نَبِيًّا هُوَ تَلَعَّ وَ، يَسْفَنَ لَعَلَّ طَلُّ اُتَمَّ حَرِّ نِيَّ اِيْدَابِعِ
اَوْ مَلَّ اَطَّتْ...».

Имом Муслим ўз «Саҳиҳ» китобларида Абу Зарр розияллоҳу анҳудан ривоят қилади, у киши Набий соллаллоҳу алайҳи васалламдан, У зот ўз Роббиларидан ривоят қилиб айтадилар:

«Аллоҳ: «Эй, бандаларим, Ўзимга Ўзим зулмни ҳаром қилдим ва сизнинг орангизда ҳам ҳаром қилдим. Бас, бир-бирингизга зулм қилманглар...» - деди».

Мана шу ҳадиси қудсий бўлиб, бу ҳадиси қудсийда келган маъно Аллоҳ таоло тарафидандир. Аллоҳ таоло бу маънони ваҳий орқали Набий соллаллоҳу алайҳи васалламнинг қалбларига солган. У киши ушбу маънони ўз иборалари билан таъбир қилганлар, нутқ қилганлар.

Ҳадиси қудсийнинг ривоят қилиниш сийғалари

Ҳадиси қудсийни ривоят қилишнинг икки сийғаси бор. Ровий улардан қайси бирини хоҳласа, шунисини ишлатади:

1. «Расулуллоҳ соллаллоҳу алайҳи васаллам ўз Роббиларидан ривоят қилиб айтадилар», деб, сўнг ҳадис матни айтилади.
2. «Аллоҳ таоло Расулуллоҳ соллаллоҳу алайҳи васаллам У зотдан қилган ривоятда айтади», деб, сўнг матн баён қилинади. Валлоҳу аълам.

<http://savollar.islom.uz/savol/1863>